

De Lëtzebuenger Schrëftsteller-Verband huet gefeiert

Zwou Riede fir 20 Joer



Photos: Fabrizio Pizzolante

Vill Leit konnt d'Germaine Goetzinger begrëissen, dorënner och vill Prominenz, déi geliest oder gelauschttert huet

Den 1. Dezember war am Literaturzentrum zu Miersch eng besonnesch Feierstonn. De Lëtzebuenger Schriftsteller-Verband huet seng 20 Joer gefeiert mat enger ganz spezieller Liesung.

Prominent Perséinlechkeeten aus Politik, Wirtschaft, Kultur hunn Texter vu Lëtzebuenger Auteuren geliest. Si haten se erausgewielt, si hunn s'och selwer virgedroen.

kulturissimo ass frou, déi zwou Rieden, mat denen den Owend agefouert ginn ass, déi vun der Directrice vum CNL, Germaine Goetzinger, an déi vun der Presidentin vum LSV, Colette Mart, hei ofdrécken ze dierfen.

Mir wëllen domat dem LSV eis Unerkennung soen, fir dat, wat déi kleng Comités-Equipe an 20 Joer am Interessi vun den Auteuren, de Lieser an der Literatur geleescht huet.

Duerch den LSV an dank dem LSV ass d'Situatioun net méi esou tragesch wéi 1986, wou alles ugaangen ass.

Ideal ass se sécher nach laang net. Et bleift nach sou vill ze maachen: Et gesäit een dat erëm an dem Misär, deen de Programm vum *Bloen-Hirsch-Joer* a Saache

Literatur fir eist Land opzeweisen huet. Deen Aarmut eleng seet scho genuch.

An dobäi wier et esou einfach gewiest, op d'mannst eng Anthologie mat Auteuren aus *Luxembourg et Grande Région* ze publizéieren, fir eng Momentopnam vun deem ze ginn, wou d'Schreiwhe hei a bei eisen direkten Noperen drunn ass.

Elo soll eis kee kommen a soen, do hätt den LSV sech missen drëm këmmen. Dat wier ze einfach. Et muss ee feststellen, dass bei 2007 kaum en Interessi fir d'Literatur do war, dass keng Impulse vun do koumen, jo, dass eng intressant Proposition, déi de Comité vum LSV eraginn hat, „recaléiert“ gouf, wéi wann eis Auteure an déi, déi se vertrieben, déi leschten Eefalte wieren.

Dofir vun hei aus: Do, wou *kulturissimo* hëllef kann, mécht en et, och doduerch dass e kontradiktoresch Meenungen publizéiert, déi kënnen Impulser ginn.

Sou hu mer den Kulturredakter vum *Tagblatt*, den Tom Reisen, gefrot, seng Iddien ze preziséieren, mat deenen hien Ufanks November op esou e grouse Widerstand gestouss war. Wann een seng Ausféieronge liest, muss ee feststellen, dass se

vill Wouerechten op eng pointéiert Manéier opdëschen.

D'Fro, ob et mat enger Geldspréetz duergeet, ass berechtigt: Mee wien huet sech iwwerhaapt dervir agesat, dass och den Auteuren an Editeuren eng finanziell Stäip zoukomm ass? Den LSV.

Géife soss iwwerhaapt nach Bicher a Kulturzäitschrëfte publizéiert ginn?

Och d'Feststellung, dass et vill Enseignantte gëtt, déi schreiwen, ass richtig.

Mee dozou muss eng corollaire Fro gestallt ginn: Firwat grad si? Firwat feelen esouvill aner Berufskategorien?

An do komme mer dann op dat, wat den Tom Reisen zu Recht an de Mëttepunkt vu sengen Ausféieronge stellt: Déi skandaléis Manéier, mat där eis Schoulen eis Literatur mat all hire Sproochen a Facetten ignoréieren, aplaz de jonke Leit ze weisen, dass och hei am Land Literatur gemaach gett a gutt Literatur, an dass nëmmen esou Impulser kënnen kommen, déi och erëm (méi) Jonker zum Schreiwhe bréngen.

Dem LSV wënsche mer, dass hien an eis Literatur esou echt geholl ginn, wéi se dat verdéngen.

GW